

中國方志叢書・華中地方・第四一五號

據

民國・周鈞、段朝瑞等纂
民國十年刊本

影印

江蘇省

續纂山陽縣志

(全)

106
成文出版社有限公司印行



10097939

中華民國七十二年三月臺一版

續纂山陽縣志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

續續山縣

纂陽上

歲次辛酉
仲秋刊成

自辛亥之變鈞由京師致仕回里杜門却掃不與聞時事久矣丙辰春省局以修通志檄各縣徵訪事實嗣以縣志爲通志基礎必先輯縣志而後省志有所取材復飭各屬續修縣志檄文稠疊勢不能置爲緩圖邑人士集議籌備首以總理一職屬之鈞力辭不獲遂勉就焉顧當承乏之始竊認鯁馬慮此次修志有較前志難焉者前志修於同治癸酉經費撥自河庫銀若干兩部署一切游刃有餘蓋其時公帑尙裕官府亦樂於助成近則庫空如洗羅掘俱窮其難一前志事實以一邑之政輯一代之書凡夫山川風土民物賦役學校選舉水利軍政諸大端各衙門案牘俱存徵調卽至據以考證事半而功倍焉自國事改革後各卷宗燬棄散佚十不存其一二課虛責有文獻無徵其難二前志體裁列門十四附條目四十八分別部居釐然各當續志應循舊制斷不能妄事更張無如時勢變遷世故嬗革新政疊出名目繁多雖斷代以宣統三年爲限而此三年前已有輪電郵警諸創設秉筆者遺漏既覺不安附屬又嫌不類其難三然天下事畏以爲難則無成勉爲其難且其任其難則易就本屆修志經費則出自田賦議以兩忙帶徵通詳備案眾擎易舉隨課輸將復得賢邑宰邱君芷石覈實鈎稽認真徵集二年所入適合度支事實

則廣爲蒐羅旁諮博訪鉅細靡遺凡歷朝碑碣私家著述父老流傳罔不採納周詳缺其疑而存其信至體裁則悉本舊志按條增益毋濫毋誣其間縱參列新政如學堂附學校警察附軍政畢業考職附選舉輪船電報附雜記亦皆各從其類名雖殊而義適符焉是役也開辦於己未正月告成於辛酉八月歷時未滿三年編書得廿四卷此其先難而後獲始難而終易者則皆諸同人各勤厥職有以致之事既竣爲誌其類末如此若夫邑改淮安續編新志此又一事也請徐以俟諸後之君子歲次辛酉仲秋邑人周鈞謹識

縣率有志凡以鑑古知今俾宰是邑者施干

獻之足徵也山陽蕞爾邑歷朝以來南北兵爭代居衝要
稽其志乘有楚州淮陰一圖經皆佚不傳宋有嘉定志僅
見於顧氏郡國利病書所引當世久無完書閱五百年邑
人張岸齋太史毅然爲之厥後一脩於乾隆戊辰再脩於
同治癸酉凡夫山川風土民物賦役諸大端粲然具備雖
小有踏駁究不失爲善本自癸酉至辛亥又將四十年矣
適者中議脩通志徵促廣續以免脫落而欸無所出邑人
士稟於田賦帶徵得若干縉因延求鴻碩諮訪故實周蒨
圖太史以予老識掌故屬總司編纂之役予以同治志簡

續纂山陽縣志

序

一

潔知要宜依類續纂不當更改原書其有佚誤別爲刊補
藝文志與新志相輔而行亦只采山陽不及旁邑議既定
分別部居爰以漕運列女屬之田君魯漁臺域雜志屬之
徐君少泉水利選舉屬之楊君小坪民賦軍政屬之陶君
次壩時周君次衡客滬上則以職官學校屬之顧君竹侯
客都門則以建寧古蹟屬之人物藝文刊誤予自削草參
互商榷畢於己未秋歷十有五月成書二十四卷一遵通
志例截至宣統三年爲止時勢變遷事故嬗革隨條附見
原書具在庶幾進不掠美退不辟謗一洗新志成舊志亡
之積弊予殘年暮齒學殖荒落私幸藉諸同志掖助之力

獲觀厥成於山川風土民物賦役續加增益不敢稍涉汎
濫是非臧否必存其眞達而勿多約則鮮失區區之心如
是而已若其舛謬疏漏勢不能免規杜糾歐後之君子其
亦有樂乎此也辛酉六月七十九叟邑人段朝端書

續纂山陽縣志

序

二

續纂山陽縣志纂修姓氏

監修

淮安

縣

知

事邱沅

淮安

縣

知

事王元章

續纂山陽縣志

纂修姓氏

一

續纂山陽縣志纂修姓氏

總理

記名參武英殿纂修實錄館協修國史館纂修翰林院編修周鈞

總纂

前署海州學正重謙泮林廩貢生段朝端

分纂

候選訓導廩貢生楊杞林

前常熟縣教諭舉人周銓

前署安徽六安直隸州知州正任泗州直隸州知州進士田毓璠

記名丞參國史館協修功臣館纂修翰林院編修徐鍾恂

續纂山陽縣志

纂修姓氏

一

候選直隸州知州舉人顧震福

山東候補府經歷優貢陶鍾篪

總校

銓選教諭歲貢生丁賜福

內閣中書優貢何福恒

分校

揀選知縣舉人何福謙

廩貢

生王宗筠

增貢

生楊增壽

廩貢

生周銓

優廩 生田壽春

收掌

前雲南新平縣知縣拔貢詹坦

附貢 生沈有壬

采訪

候選鹽運司經歷歲貢生周虎臣

候選縣丞丁迺嘉

候選訓導廩貢生劉灼如

增貢 生潘蘭璘

附貢 生阮師凝

續纂山陽縣志

纂修姓氏

二

議敘鹽大使何福均

廩貢 生宋慶鵬

附貢 生邵元壽

附貢 生邱世忠

附貢 生高夔龍

附貢 生楊榮

附貢 生許肇爵

附貢 生周彭僖

候選同知林祖祺

光祿寺署正銜李雲章

參校

候選訓導廩貢生周鴻燾

候選訓導廩貢生謝文炳

附貢 生張仲沅

附貢 生葉村

候選知府秦保愚

山東候補府經歷附貢生朱錫成

山東補用縣丞恩貢生王兆藻

監刻

候選訓導廩貢生葛鎮淮

續纂山陽縣志

纂修姓氏

三

附貢 生楊鴻猷

從九品丁需廉

續纂山陽縣志目錄

卷一 疆域 風俗 物產

卷二 建置 城隍 縣署 附 倉庫 壇廟 善堂 坊表 橋渡 寺觀 附 壇壝

卷三 水利 開河 各鄉水道 隄閘 附

卷四 漕運 鹽課 關稅

卷五 職官

卷六 民賦 皇國 戶口 田賦 雜稅 附 解

卷七 學校 學宮 學額 學田 附 義學 試院

卷八 選舉 畢業 附 附 考 附

續纂山陽縣志 目錄

卷九 軍政 新軍 徵兵 警察

卷十 人物 流寓 忠義

卷十一 列女一

卷十二 列女二

卷十三 藝文

卷十四 古蹟 古井 邱墓

卷十五 雜記 兵戎 祥禳

卷十六 刊誤

凡例

一 邑志係於同治癸酉其書體例簡潔文筆雅飭具有典
型海內推爲佳本今大段照舊總類子目及卷首各圖
一仍舊貫以免紛更

一 此次續纂仿重脩通志例以宣統三年爲斷以後事概
不闢入三年以前舉行各項新政酌量登載俾成實錄
子目亦量爲變通

一 原志不免小有謬漏例言亦云補正缺佚尙有俟於方
來所有補遺仿通志例每卷續纂後依類標明分門編
次刊誤則統爲一帙附於卷末然亦不盡拘或卽附著

續纂山陽縣志 凡例

本條之下原書版片概不施以刊削

一 脩志宜存舊續新不宜輕改舊本前人論之詳矣自同
治癸酉至宣統辛亥計三十九年其間事實接門續載
必以文減事增爲準庶與原志如驂之靳

一 淮安府志係於光緒八年壬午此次續纂縣志壬午以
前取諸府志加以附益壬午以後資諸采訪覈以見聞
凡所搜葺得諸故籍必著所出以備覆檢

一 地志濫及人物已非古人所許人物而及閭閻方外僅
資點綴無關宏旨且亦寥寥無多今概不緝續

一 列女繁夥校者疲於簡對複沓無雜謹就確見者畧加

刪併觀接語自明

一卷中於乾隆志曰舊志同治志曰原志或曰前志

一新志訖於辛亥縣名未改淮安故仍曰山陽志

一原志後附淮安藝文志其時淮安統六縣今府缺裁省

縣名移改本書專志山陽一縣勢難仍蒙舊稱今署山

陽藝文志本邑文詩及寓公所作已收入淮安藝文志

者概行抽出與近所補續合爲一編以求美備事在辛

亥後者文字雖佳請從蓋闕

續纂山陽縣志

凡例

二

續纂山陽縣志卷一

疆域 風俗 物產

自同治癸酉至宣統辛亥相去日淺疆域無變置風俗厚
薄隨運會爲轉移物產盈虛視人事之勤惰以今視昔微
有不同略而不書曷資觀省姑據見聞所及彙備貂續而
以形勢冠之不標子目遵舊例也

沿革四至分星高度見原志

境內土地平衍少山多水北有淮險西有湖險郡國利病
書引舊山

陽縣志楚城北有淮險西有湖險東南二面往往有長岡黃流會合綺脈交錯而地控

南北中原用兵率爭此土晉及六朝恆資屯守建炎南渡

續纂山陽縣志卷一 疆域

倚爲邊防舊山陽縣志晉及六朝大農
區乏俱屯守淮陰以備儲胥視平原猶隘塞也

自黃河奪淮而長淮之險失河流北徙而洪河之防又失

築湖堰置運隄西南湖蕩泥淖之地多變而爲田而湖蕩

之阻又失咸豐軍興民罹兵燹一歲數驚僅恃運河一衣

帶水別築圍若輔之形勢一變海運行河運廢河漕大官

相繼裁撤職無專司運河淤墊水小易涸水大易溢無論

利便且爲隱患光緒甲午庚子間海氛不靖由滬至津舟

師多阻東南諸省軍旅應援畿輔率道經山陽水陸兼程

論者猶重視之謂可與海道相輔爲用且可濟海道之窮

迨津浦鐵道成北發燕齊南抵江皖一日千里稱捷徑焉

自是而山陽幾成僻壤形勢又一變矣閭閻之盛由明季至國朝不稍替漕督居城倉司屯衛星羅棋布儼然省會夏秋之交糧艘銜尾入境皆停泊於城西運河以待盤驗率輒往來百貨山列北關廂為淮北綱鹽頓集之地任巖商者皆徵揚高貨鉅戶役使千夫商販輻輳推關居其西北搜括留滯舟車閭閻利之所在百族斯聚引府志市不以夜息人不以業名富庶相沿奢侈成俗詳見前志乃綱鹽改票昔之甲族夷為編氓漕運改途昔之巨商去而他適百事罷廢生計蕭然富者日益貧貧者日益偷由是四民知陳力受職稍稍反樸焉士風在昔易子而教筆耕所入足

續纂山陽縣志 卷一 疆域 二

以贖家鄉有先達誘掖後進循循無倦容西城勾湖勾湖草堂東城文會文會草堂後先輝映蔚起人文為淮郡冠尤緒丙午廢科舉立學堂士無恆產又以不合時宜多棄筆遊四方別圖生活視昔之父以是教子兄以是教弟比戶絃誦聲洋洋盈耳者則有間焉學堂費鉅歲需百數十金或數百金富家應運而興寒士氣阻無崛起之望多出他途禮教浸衰爭競日起縉紳子弟無復恂恂一得自矜迂視耆老甚至博塞嬉遊莫之或禁洵乎士風隨法制為轉移也農田東南多水鄉沮洳沃饒人滿田值貴耕作勤農事修整西北平曠野土滿田值賤人情愴情溝洫不治故荒廢

引府志咸同間每遇水旱耕者棄田廬攜婦孺過江就食江南經寇亂樵薪待墾去者或留而不歸光緒中葉江南商埠繁盛運河輪船通豐穰之歲中下農民秋穫畢亦相率南下廣集各埠力食致飽麥熟乃返勤樸者歸有餘資習於浮靡往往不克力田而田轉荒且交通既利米穀轉輸常弛厥禁粟菽以外販及雞豚物值騰漲饕餮之費視昔三倍而城鄉居戶又僅恃田業無他技歲豐則溫飽歲歉則凍餒乃漸以農事為重視水旱慎收穫一輪土車絡繹於野無往日語及田夫退讓不屑之舊習見明山陽縣志然水利失修非旱則澇大農坐困小農愈貧貧則抗弊巧法非

續纂山陽縣志 卷一 疆域 三

為補救農業振作或猶有待歟古昔工技有硯宋陳慥負出硯有款淮安府造教送京師諸胥措詞不成語時況鍾在部易之曰繫細密國朝以弓矢名今廢惟攻章者嗣釘睛雨同聲眾稱善其業餘皆家人筐篋間常物而已服御之需仰給於遠方者十居八九民居櫛比無機杼聲而工藝學校習藝所等時興時廢成效未著其仿造物品僅毛巾錢襪粗紙亦無殊技間有木機紡織行囊米袋頗多適用今改製潤布質堅紋細幾與通州布相埒工不盡拙財力限之也商則昔以鹽為大宗自綱鹽票鹽遞改其業廢墜南北行商又改

道楸遷見前津浦鐵道車穀船批日就闌寂板閘權關稅數減絕

百廢莫舉煙戶四徙向之銅山金穴運為土灰至如食貨

日用所需類皆小賈所販逐利朝夕所持者狹所欲者奢

姦執弄權物價踊貴昔以開病商今以商病民此則百數

十年事變之大者也冠昏喪祭與歲時禮俗有因無革詳見

志惟華服盛饌侈靡之風今乃加厲衣必紬穀務精藻績

海外來者尤重主與客相輝野與市相競家無千金產一

衣之費多至數十金弗惜也婦女去緣飾學南人妝衣不

蔽膝袖不掩手光怪陸離難以珠寶歲一易之巧合時尚

誠以異服弗顧也故舊款弟無關高會乃亦蕙肴芳醴日

續纂山陽縣志 卷一 風俗 四

食萬錢一二特立之士守古變俗衣不過大布席不過五

簋則家人笑其愚友朋謂其怪此又由奢入儉之不易也

雖然風俗本於人心人心根於教化曩茲治齊而奢侈之

俗變為儉素召信臣治南陽通溝洫屏游放土瘠民貧變

為饒富不其然歟物產五穀東南鄉宜麥宜稻稻之種類

之曰秈稻糯稻秈稻有粳香糯少糯大曰秈頭秈

粳子種海南北早五日六日糯稻有鐵板糯瓜熟糯紅

糯白糯黑糯頭糯水糯上白麥西北鄉宜麥粒黍稷花生

則僅大麥小麥元麥蕎麥數種芝蔴菜子可榨油以甘醬土人呼

食積之秋豆尤饒黃豆大鳥豆大青豆綠豆又有蠶豆 江南大賈博買為珍載以去名曰豆客故淮秋豆

之名流傳甚遠園圃之中百蔬葱蒨以煖色菜為最美蘿

蔔亦廣擔入城市者終歲無缺鹽漬之以餉遠方其利良

厚絲絮之屬有桑有麻所植不多無裨實用近邑進士丁

寶銓購湖桑萬株分植城東南隅及鄉鎮隙地以為模範

乃仿行者少豈謂非土性所宜歟自唐以來久以貫布苧

布唐書地理志楚州貢貫布孔雀布顧起元各生贊語

布宋史地理志楚州貢苧布孔雀布楚州貢孔雀布

入土產棉則乾隆同治中多植之見原其後浸微蓋婦女

好燕袴者多也木有楊柳棠梨冬青榆柏較良工師取材

作巧成器竹僅慈竹枯竹二種蠶供賞玩不中器用蒲葦

續纂山陽縣志 卷一 風俗 五

叢生陂塘間功省利溥春初蒲菜堪飫宴饗秋後取蒲葦

編包銷路極廣鹽場運鹽其廢遺瑣碎則分別經緯織屨

待賈鮮有棄材藥物有枸杞子白前女貞子土牛膝生牛

夏地骨皮地榆金銀花野田延蔓蕃而不良食品有鹽酒

油自明以來著名府志註酒舊有苦蒿珍珠諸日實則稈

酒有名土人以此致富後官吏百計謀求業此者貧至刺

骨而讓法幾絕知府陳文燭特豁其稅民乃稍稍復業云

豆油豆餅道光以前導販江南獲利為厚權關亦以此為

鉅款三十年來收復益薄業此者少北人之佃於南者又

教以植豆榨油所在淺廣油餅而運者益稀今之業此者遠遜於前而以粉條

門母牛漸少饋鮮新生鱸族仍以白魚為珍五代史周世宗紀詔今後

楚州不得貢淮白魚朱蘇軾詩明日淮陰市白魚能許肥春初鰾魚號鰾品焉綜覽縣

志而知前後得失之故昔也百二十年一修之其間風化

所被生計所開由盛而衰變遷如彼今也僅三十九年一

續之其間風化所被生計所開剝而不復凌夷又如此雖

日數有倚伏非一邑所能轉移然國家承平生民休息猶

是教士也而士習翫張矣猶是重農也而農務廢弛矣猶

是通商惠工也而商不平等施工不善事矣歲無豐凶鮮有

藏蓋家無貧富競尚紛華非人事泄泄杳杳無遠慮歟然

則如何而可壹引其紀萬目皆起壹引其綱萬目皆張舊

續纂山陽縣志卷一 疆域 六

志有曰重禮教務農桑兩言盡之矣

續纂山陽縣志卷二

建真城池 圍岩 街市 坊鎮 倉庾 壇廟 寺觀 附 驛 邊

原志建真子目有公署一門四十年來無大更變惟裁缺

各署或改作公所或書充他用業已隨條分注無取縷敘

即予刪去其餘各項為續為補則與各門同科

城池

東南北三門樓光緒七年署漕督譚鈞培重修

譚樓光緒七年知府孫雲錦重修

圍岩附

光緒二十六年拳匪變起人心不靖署知府許寶書以新

續纂山陽縣志卷二 建真

聯城垣失修久難資保障撥款築土圩一道縣巨八九里

藉為三城外衛惟土質未能經久後漸傾圮

倉庾

積穀倉原名預備倉在府學東光緒六年知縣陸元鼎就舊址重建定章每年積穀若干石夏曝曬秋出陳

易新并於漕糧項下每石帶徵一百文為常年補助繼因

霉爛折耗知府許寶書會紳籌議以本邑為產米之鄉又

與高寶接近遇有災歉購買尚易改為積穀存錢各半約

以穀萬石錢萬串為率錢存典生息該典必憑官紳兩面

公牘方準支取通詳立案推邑人周鵬舉經理迨

三十二年大水錢穀散放殆盡後復稍積

壇廟 文昌閣在河下竹巷舊榜曰三城外衛光緒二十四年饑於火三十年邑人朱錫成等籌款重建有記

東嶽廟光緒三十年邑人周鵬舉丁賜第等請款重修

都火星廟一在城西北隅東門外舊有火星廟乾隆開清

十八年官紳重脩邑人顧雲一在城東北隅附城平成門

臣有記嗣秦保愚獨力續脩一在城東北隅附城平成門

書院東咸豐間廟毀神像移至凌雲道院邑人張振起余

惇義等募建正殿三楹下臨城河在葦間書屋舊址北

閣徵君祠一在城內西北隅奎文書院內祀邑人閻若璩

朝瑞徐嘉等以閻祠隔在新城瞻拜不便改於奎文書院

設軒後楹上層設龕崇祀附祀邑先正李繼張昭顯張

開元任煥吳玉指蓋屋路任題額日閻徵君暨六先生祠

十四年某縣立祭每歲十月十四日徵君誕辰致祭知縣

盧維繼與善緣庵內之李公祠一在河下竹巷狀元里光緒

各捐祭款銀七十兩存典生息一在河下竹巷狀元里光緒

二十七年邑人王全照遺集同志募資就先生故里營造

未竣而沒子朝徵續脩二十四年落成

阮頤二公祠在城西北隅勺湖書院內祀邑人阮學浩顧

任湖南學政乞養歸里於此課士沒後門下士即塾中致

位奉祀祠中開雲臣亦登學湖南乞養歸時故址僅存茅

屋數椽賃庖丁作酒肆乃備償贖回增建水閣於廳事後

別設享堂借漁洋山人字額日阮亭奉木主歲一一致祭雲

臣卒後門下士請與學治

並祀改今名互見學校

丁何二公祠在城西南隅射陽書院內祀邑人丁晏何錦

城餘貳於留雲道院南建五雲堂光緒六年改射陽書院

七年邑人顧雲臣等請於堂左船廳奉祀二十六年邑人

子其傑附祀均稟縣有案

橋 武功橋 狀元橋 文津橋 紫竹庵板橋並光緒

寬升高以上

並在城內

壩堰

龍光閣光緒十年重建闊身寬濶倍於原建金門展寬二

善堂

清節堂在南門內邑人何其傑等捐置收養無依殘婦一

田五頃二十九畝六分零一買時清二鄉田一頃六十六

畝一分一買世美四鄉田三十二畝九分零一買時清二

鄉田十畝八分零一買時清二七鄉田十三畝七分一典

時清四鄉田一頃二畝零內有清督發錢一千串額養發

婦三十

集腋堂在城內青龍橋東善緣庵光緒八年安徵黃池茂

才劉潤藩等創設一錢

續纂山陽縣志卷二 建寅

會瘞枯骨修荒塚十五年知縣特秀獎許立案二十四年

徐海大水饑民過境道殣相望由堂備置湯席掩埋時寄

寓前常鎮道沈致蘭慨然施棺邑人邵恩壽等助之堂眾

經理其事越年餘事畢款罄一錢會亦中止二十七年邑

人徐鍾衡承辦經費由其弟鍾慎壽助敦蘭子倫冕仍補

助施棺至今不綴義地二一在西門外運河西岸南湖所

一在東門外

河南岸大水路

絲澤堂在城北地藏寺內收供無祀木主何利田捐

義會公所所在城內都土地祠邑人王尉廷等募得鹽分司

捐款若干存典生息後提置花莊莊田若干為治喪之用

學中人身後衣棺無措助十千或五千為治喪之用

新幼堂在舊參府街觀音庵內送窮民幼婦精米光緒

楊同元倡議邑人陳廷瑞田路等籌募准開每月助銀十

千清江各錢莊典舖每月共助銀八千文又隨時勸捐稟

縣立案庵內東廂房三間由堂款重修南

門外衛家窪置義地二處約共三畝許

宣統元年邑人李鑒購地創
建計瓦草房七間先是邑人

善惜字後嬰施林放生等善
類宣講稟縣有案孫澄李殿
五畝許于揚仲真瑤等捐
行等共刊宣講摘要一部計

二里塘 爲邑人唐凝唐煜建堡
徵張丙炎篆題石額曰

建
實



城池

100

聯城明嘉靖三十九年漕運都御史章燠建有碑記在北門子城茶齋庵碑本三座今佚其二其一雖存亦漫漶不可讀略稱八月之吉□□□千尺有奇爲□□四水關橋之闊橋二城樓大小十四又述與總戎黃公參戎馬公

其爲之其題名有管工
指揮吳山縣丞王沐

附砦圖

河下土埭同治初知府顧思堯督紳民創辦爲門五隄上

東西兩門縣丞胡容本續建城北二十里有朱家圩城南

六十里有南許家圩北許家圩咸豐間築近皆傾圯殘缺

建

五

壇廟

倉聖祠
新成圓明寺西光緒
二年以文昌宮改建
先賢仲子祠
在縣中長街
魁星樓

在河下竹巷康熙間里人黃宣泰胡從中建嘉風神廟高

潤乾隆六十年山清外河同知曹恒捐廉契買山陽世美十二鄉李自鑾韋廷棟豆麥田一百二畝二分二釐交住

持僧管理 彤華宮 三台閣
恒有碑記 東南 既濟院 北門龍窩
並祀火神 壽佛庵 卽原
志壽

佛寺舊名玄天宮劉琨郡城風氣根本圖說云郡城爲靈龜顧海形龜必有蛇城東蛟龍岡迤邐蜿蜒首起東南尾

龜蛇相戀乃於城東南審察龍脈相應之處建立真武殿

爲全城主宰今殿已傾圮光緒三十二年改爲敬恭學校縣城隍廟碑爲順治年邑令

李祐北門關帝廟據明嘉靖十年邑人楊高堰闢帝廟
光立富碑記宋嘉定時建

鐘以鑄神像今所供是又廟前有鐵犀一

嘉慶九年以淮揚道署舊址改建清督鐵保碑記徐節孝祠舊有墓田八畝零在四十四畝零同治中漕督張之萬撥費應蒲莊莊田三十三畝零山陽平橋田三十七畝零為祠費梅榮定公祠在駙馬營司徒廟內祀明駙馬都尉梅殷殷字伯殷命春秋高諸王強盛嘗受密命輔明史年徵寧國公主帝春充總兵官鎮守淮安親令最明見明史樓巷祀明主傳卒諡榮定信今錄駙馬王公祠在河下狀元樓巷祀明漕營是梅駙馬駐師處王公祠在河下狀元樓巷祀明漕左近明邑人沈坤撰遺愛碑立於祠中不知何年圯於水咸豐壬子河西農民掘得沈碑河下士人因昇碑置此同治辛未邑人王家銘等稟請漕督張之萬撥款孫公祠明知縣孫肇興毛公祠在奎文書院祀五公祠即四公祠光緒中增祀知府章儀林

寺觀附

續纂山陽縣志

卷二

建真

六

大悲閣在龍興寺後乾隆三十年重脩知府張球有記留雲道院志載有藥局凌雲道院載有藥局內供普惠祖師即王子喬祠光緒聯雲道院重脩邑人李鍾駿有記元年邑人詹煜建西長街講學其中內有二年祠久之二帝祠信今錄在與士子講學已酉庚戌間邑人李氏書院欲人但知為二帝祠乾隆己酉庚戌間邑人李氏所成豐丙辰邑人丁晏創建廣廈六楹額曰秋水菴勝之館面池深廣獨植芙蓉軒廊洞開漁歌盈耳尤稱勝境二帝宮北城東三官殿極樂社福田庵並在古蓮庵巷東碧霞庵橋南地茂庵三角拈花社市南觀音庵一在大魚市口一在駙馬巷內紫竹庵橋東五顯廟大聖堂大聖橋側本僧伽所建之佛堂後遂供僧伽像於上名為大聖堂者以僧伽宋

時有泗州大聖之號也詳見淮流一勾金剛社倉福興庵史壩北定國庵

彌勒院並東嶽二帝閣北十字街口茶清庵北門子

慧照亭聯城蓮花街頭邑靈王廟祀蓮花街西永裕亭前香火極盛演劇賽無虛日布金院河北國初名人有運同朱孝純碑王文治書日布金院詩集多有布金院看美放生庵在車橋東南古各晒網墩近兜率院河北岸車橋東相傳晉時初建龍興寺碑陰載為十子院之一國朝乾隆初重建院外東南隅古槐大十圍數百年物里人潘德興養一定善寺塔頭兒鎮即原志之定齋集有詩原志載未詳一善寺善院東晉安帝隆安元年丁酉僧德壽居京師詔遷入南涼建和元年庚子歸有塔七層名鎮海塔塔前有橋相司徒廟對馬毘盧庵傳建自晉永寧年間名永甯橋

魁星閣一在黃集北八里徑河東嶽廟東岸南鄉大

續纂山陽縣志

卷二

建真

七

王廟金吾三聖庵崔家歸一庵西聖寺元通寺俱平三元宮一在左家堡紫竹庵戴家白衣庵一南門外銀杏一株極高傳為保子庵清普濟庵一黃家集數百年物一在徑河保子庵清普濟庵一黃家集碧霞宮陸家延壽庵武家武家庵延壽庵龍左庵孫家庵董家庵俱在世準提庵集北三官庵原志稱三官殿一在黃劉家湖草庵黃集黃岡寺息浪庵俱在集西康王莊近附

驛遞

驛遞一項原志因無案可稽僅據府縣舊志將淮陰驛及馬柵并各路鋪司地址錄入志內現查近年應任交代清